

Վրացիներին վերաբերեալ բոլոր թուերը վերաբերում են անխտիր վրացական բոլոր ցեղերին, դրանց թուում նաեւ մահճեղ. վրացիներին: Միայն 1838-ի մէջ չեն առնուած մինգրելները եւն., այնպէս որ այդ թուականի համար վրաց թիւը կը որ ձեւով հաշուելու է 400,000:

Թաքարները (թիւրք ցեղ) հաշուուած են միշտ բոլոր մահճ. հետ միասին, քացի 1922-ից:

Հայերի թիւը 1922-ի վիճակագրութեամբ պարզապէս փոքր է ցոյց տրուած իրականից:

Այսչափը միայն ասենք, որ մինչ վերոյիշեալ թուերը ազգային-ցեղագրական տեսակէտից հայերի եւ վրացիների մասին մտաւորապէս ճիշդ պատկեր են ներկայացնում, քաքարների (թաթարական ցեղ) մասին, ընդհակառակը, չիտթութիւն են առաջ բերում, որովհետեւ նրանց թուերը խառնուած են մընացած մահմեդականների թուին:

Գաղափար տալու համար այդ մասին, ասենք օրինակ, որ նոյն կովկասեան վարչութեան տուեալներով՝ 1886-ին թաթարների թիւը եղել է ոչ աւելի քան՝ 1,139,659, այսինքն՝ բոլոր մահմեդականների 52 առ հարիւր միայն, իսկ 1897-ին՝ 1,472,934 եւ կամ՝ բոլոր մահճեղականների մօտ 58 առ հարիւր:

Այս մէկն էլ ասենք ու անցնինք, որ դեռ եւս 1828-ից՝ ռուսական տիրապետութեան հէնց սկզբից է ծագում հոգային այն անարդարութիւնը, որ եւ ժառանգութիւն մնաց յետոք սերունդներին: Մինչ՝ 1838-ին հայերը Անդրկովկասի ողջ բնակչութեան մէջ 300,000 հոգի էին, վրացիները՝ 400,000, իսկ քաքարները (ընդունելով որ Հաքստհուզէնի առաջ բերած 709,000 թիւը անսխալօրէն բոլոր մահմեդականներին է վերաբերում, որով եւ նրանց առ առաւելն 52-60 տոկոսը կարող են թաթար եղած լինել), դարձեալ մօտաւորապէս 400,000, այսինքն՝ 3: 4: 4, նրանց ազգային երկրամասերը (տերրիտորիաները) ներկայացնում էին մի այսպիսի պատկեր. Ռուսական Հայաստան՝ 18,620 քառ. վերստ տարածութիւն, Վրաստան՝ 79,000 քառ. վերստ, քաքարների երկրամաս (այժմեան ար-

նունով՝ Ատրէշան) 73,500 քառ. վերստ:

Այս նշանակում է ուրեմն, որ 1838-ին Անդրկովկասում վրացիների եւ թաթարների թրուական մեծութեան ոչ պակաս քան 3/4-ը կազմող հայութեանը, որպէս նրա տերրիտորիա, յատկացում էր մի հողամաս միայն, որ 4-4 1/2 անգամ աւելի փոքր էր, քան իր հարեւաններինը: Այդ արատն եւս առաջ էր գալիս նըրանից, ինչ որ անդրկովկասեան ժողովուրդների հողային ներկայ յարաբերութիւնների հիւանդոտ երեւոյթի հիմնապատճառն է: Այն որ հայկական Փոքր Կովկասը, ուր այն ժամանակ էլ նստած էր առողջ հայութիւն — Գուգարք եւ Արցախ — չէր համարուում հայ աշխարհի մաս, այլ՝ վրացական եւ թաթարական:

Մեզ մասնաւորապէս հետաքրքրում է այն հարցը, թէ ռուսական տիրապետութեան ընկըզբին Անդրկովկասի սահմաններում ապրող հայ տարրը ի՞նչ քանակական ոյժ էր ներկայացնում:

Տեսանք արդէն, որ նրա թիւը 1838-ին 294,606 էր եւ կամ, կը որ թուով, 300,000: Եւ այդ թիւը համապատասխանում է իրականութեան, ի հարկէ մօտաւորապէս:

Իր աշխատութեան մէջ մի ուրիշ տեղ էլ (Ա. 220) խօսելով յատկապէս հայերի թուի մասին, Հաքստհուզէն ասում է.

«Հայ ազգաբնակչութեան այժմեան թիւը Անդրկովկասի երկրամասերում հաշուում են 274,000»:

Այս թիւը, տեսնում ենք, վերոյիշեալից շատ էլ հեռու չէ:

Մի մանրամասնութիւն եւս անհրաժեշտ է այստեղ վեր հանել: Այն, որ պարսկական տիրապետութեան վերջը եւ ռուսական տիրապետութեան սկիզբը Այրարատեան Դաշտը իր շրջաններով — հայ քաղաքակրթութեան սիրտը կազմող մեր այդ բնաշխարհը — 1/4 միլիոնի հասնող բնակչութիւն անգամ չուներ, ուրիշ խօսքով՝ զգալապէս թափուր էր դարձած իր բնիկ, հնումը խիտ եղած տարրից: Դեռ վերոյիշեալ քանակի մի մասն էր միայն տեղացի, Այրարատեան Հայաստանի բնիկ տարր, իսկ միւս մասը նոր էր եկել, գաղթել Պարսկաստանից ու Տանկաստանից: